

23/04/1999

Penyokong BN gembira sambut kehadiran PM

KEMUNCULAN Datuk Seri Dr Mahathir Mohamad di Dewan Rakyat semalam disambut gembira oleh semua ahli Parlimen Barisan Nasional.

Ketika Perdana Menteri melangkah masuk ke dewan pada jam 10.37 pagi ini, semua 125 penyokong kerajaan kelihatan bertepuk meja sebagai tanda menyambut kehadiran beliau. Pada masa itu, sesi soal jawab sedang berlangsung.

Dr Mahathir hadir untuk membentangkan kajian separuh penggal Rancangan Malaysia Ketujuh.

Beliau baru saja kembali bertugas pada Isnin lalu setelah menjalani rawatan jangkitan paru-paru di Institut Jantung Negara.

Dr Mahathir mengambil masa kira-kira 65 minit untuk membentangkan laporan kajian separuh penggal itu. Sekali sekala beliau meneguk air.

"Untuk berucap selama satu jam lima minit adalah petanda baik dan saya berucap dengan suara yang sama, bukan suara perlahan," katanya kepada pemberita yang bertanyakan mengenai kesihatannya.

Katanya, beliau sangat gembira dapat membentangkan kajian separuh penggal itu yang dianggap penting kepada beliau dan kerajaan.

Dr Mahathir juga berkata beliau kadang-kadang mengalami batuk yang adakalanya teruk.

"Jika saya dapat bertahan, saya tahanlah," katanya.

(END)